

Dato: 25. marts 2026

**2026-imi folketingimut qinersinermut atatillugu naalagaaffinnit
allamiunit sunniiniarnernik suliniuteqarnerit piviusumik pisimanerat
oqartussaasut uppersarsinnaangilaat**

*Nunat allamiut immikkut paasiniaasartuinit sunniiniarnernik
suliniuteqarnerit piviusumik pisimanerat uppersarsineqarsinnaatinnagu,
2026-imi folketingimut qinersineq ingerlasimavoq. Taamaattoq russit
digitaliusumik saqqummiussiviisa qineqqusaarnerup ingerlanerani
Kunneqarfik Danmarki pillugu oqariartuutit isorinnittut
siaruartarsimagaat, FE-p, PET-p aamma SAMSIK-ip paasisimavaat.
Misissueqqissaarnerugallartup, oqartussaasut suliarisimasaasa, tamanna
takutippaat.*

Ulloq 24. marts 2026-ii folketingimut qinersinissap tungaanut aamma
ullormi tassani qinersinermi tamat oqallinnerannik aamma politikikkut
aalajangiinerit ingerlanneqartarnerannik naalagaaffiit allamiut aamma
taakku immikkut paasiniaasartuisa sunniiniarsimanerat, FE-p
(Illersornissaqarfiup Immikkut Paasiniaasartuisa), PET-p (Politiit Immikkut
Paasiniaasartuisa) aamma SAMSIK-ip (Inuiaqatigiit
Isumannaatsuunissaannut Aqutsisoqarfiup)a nakkutigisimavaat.

Folketingimut qinersinermut atatillugu nunat allamiut immikkut
paasiniaasartuinit sunniiniarnernik suliniuteqarnerit piviusumik
pisimanerat FE-p, PET-p aamma SAMSIK-ip uppersarsinnaangilaat.

Taamaattoq inoqatinut attaveqaatini ataasiakkaani russit digitaliusumik
saqqummiussiviinut atassuteqartuni, ilisarititsissutit arlallit
qineqqusaarnerup ingerlanerani qallunaat politikkerii pillugit
paasissutissiinerlunnernik avitseqatigiissuteqartarsimasut, FE-p, PET-p
aamma SAMSIK-ip paasisimavaat. Inuit ilisarititsissutini tunuliaqutaasut
qallunaat tamanut ammasumik oqallinnerannik ilisimasaqartut aamma
oqariartuutit russinik illersuisut siammarternissaannut paasimasat taakku
atorsimagaat, FE-p, PET-p aamma SAMSIK-ip nalilerpaat. Allagarsiussat



taakku siammarterneqarsimanerat killeqarsimavoq. Allagarsiussat, qallunaat tusagassiuutaanni eqqartorneqarsimasut, qallunaat tusagassiuutaanni eqqartorneqarnermik kinguninngua eqqartuinerit annertunerusumik takutinneqarnerannik kinguneqarsimavoq.

Qineqqusaarnerup nalaani Kunngeqarfik Danmarki pillugu, ingammik Kalaallit Nunaat pillugu, eqqunngitsumik paasissutissiinerit siammarterneqarsimanerat, pisunilu ataasiakkaani annertuumik siammarterinermik kinguneqarsimanerat, assersuutissaqarpoq.

Qineqqusaarnerup nalaani artorsitsiniaanermik saassussinerit, eqimattat hackerisartut arlallit russinik illersuisut, qallunaat kalaallillu nittartagaannut ingerlatsisimasut, FE-p, PET-p aamma SAMSIK-ip paasisinnaavaat. Taamaattoq saassussinerit annertussusaat, saassussinerni taamaattuni nalinginnaasumik suliniutit killiffiinit qaffasinnerusimanngillat.